

涵芬樓古今文鈔

呂景端
書藏

涵芬樓古今文鈔

卷一百一十五
目錄

涵芬樓古今文鈔卷二十目錄

序跋類

後序

毗陵集後序

梁肅

張中丞傳後序

韓愈

唐大理評事楊君文集後序

柳宗元

崇豐二陵集禮後序

柳宗元

唐容州經略使元結文集後序

李商隱

樊川文集後序

裴延翰

唐柳先生文集後序

穆修

帝王世次圖後序

歐陽修

詩譜補亡後序

歐陽修

孫子後序

歐陽修

先大夫集後序

曾鞏

仁宗御書後序

陳師道

春秋古經後序

李燾

李忠定公奏藁後序

朱熹

呂氏家塾讀詩記後序

朱熹

道學發源後序

王若虛

京闈小錄後序

方孝孺

蔡公防河奏疏後序

邱維屏

百苦吟後序

李世熊

高子遺書後序

汪琬

近思錄集註後序

茅星來

涇渠志後序

王太岳

周易葬說後序

端木國瑚

序錄

上晏子敘錄

劉向

上列子敘錄

劉向

史通序錄

劉子元

經世大典序錄

柳貫

四經序錄

吳澂

三禮敘錄

吳澂

春秋諸國統紀序錄

齊履謙

大雲山房文彙二集敘錄

惲敬

序略

代茶餘序略 母 暎

贈太學生石大用詩序略 陳敬宗

畿輔水利議敘畧 林則徐

表序

史記秦楚之際月表序 司馬遷

史記高祖功臣侯年表序 司馬遷

史記十二諸侯年表序 司馬遷

史記六國表序 司馬遷

史記漢興以來諸侯年表序 司馬遷

史記建元以來侯者年表序 司馬遷

漢書異姓諸侯王表序 班固

漢書外戚恩澤侯表序 班固

漢書高惠高后文帝功臣表序 班固

漢書諸侯王表序 班固

跋一

跋景陽井銘 歐陽修

集古錄跋尾十首 歐陽修

跋退之送李愿序 蘇軾

跋石鐘山記後 蘇軾

跋君謨飛白 蘇軾

跋錢君倚書遺教經 蘇軾

跋晉卿所藏蓮華經 蘇軾

跋吳道子地獄變相 蘇軾

跋文與可墨竹 蘇軾

跋陳隱居書 蘇軾

跋文與可飛白 蘇軾

跋浴室院畫六祖師 黃庭堅

跋東坡書帖後 黃庭堅

跋東坡思舊賦 黃庭堅

跋韓退之送窮文 黃庭堅

跋蘭亭 黃庭堅

跋秦氏所置法帖 黃庭堅

跋王荊公書陶隱居墓中文 黃庭堅

跋相鶴經 黃庭堅

跋自書所爲香後 黃庭堅

跋薛唐卿秦璽文 周行己

盧鴻草堂圖跋 葉夢得

跋朱喬年所跋王安石字 鄧肅

跋丁未御書 袁燮

跋羅亨甫書陳使者死節事 袁燮

跋李莊簡公家書 陸游

跋劉御史述帖 魏了翁

跋虞雍公允文折虜使奏劄 魏了翁

跋李文簡公手記李稅等十事 魏了翁

跋傅侍郎奏議後 真德秀

跋張魏公五逯堂墨帖 真德秀

南園六老圖跋 陳振孫

跋劉翠微罪言稿 文天祥

跋彭和甫族譜

文天祥

蘇文忠公書李太白詩卷跋

蔡松年

蘇文忠公書李太白詩卷跋

施宜生

七仙人詩跋

雷淵

跋金國名公書

元好問

跋趙太常擬試賦稿後

楊奐

跋崔清獻公洪忠文公帖

牟巘

跋懷素藏真律公二帖後

劉因

跋盧龍趙氏族譜後

元明善

跋歐書皇甫誕碑本

袁桷

跋蘇氏家藏雜帖

宋本

涵芬樓古今文鈔卷二十

侯官吳曾祺纂錄

序跋類

後序

毗陵集後序

梁肅

有唐文宗常州刺史獨孤公既薨。門下客安定梁肅。以公茂德映乎當世。美化加乎百姓。若發揚秀氣。磅礴古訓。則在乎斯文。文之盛不可以莫之紀也。於是綴其遺草三百篇。爲二十卷。以示後嗣。乃繫其辭曰。夫大者天道。其次人文。在昔聖王。以之經緯百度。臣下以之弼成五教。德又下衰。則怨刺形於歌詠。諷議彰乎史冊。故道德仁義。非文不明。禮樂刑政。非文不立。文之興廢。視世之治亂。文之高下。視才之厚薄。帝唐接前代澆醜之後。承文章顛墜之運。王風下扇。作者迭起。不及百年。文體反正。洎公之爲。則又操道德爲根本。總禮樂爲冠帶。以易之精義。詩之雅

訓。春秋之褒貶。屬之於詞。故其文寬而簡。直而婉。辯而不華。博厚而高明。論人無虛美。比事爲實錄。天下凜然。復覩兩漢之遺風。善乎中書舍人崔公祐甫之言也。曰。常州之文。以立憲戒世。褒賢遏惡爲用。故議論最長。其或列於碑頌。流於歌詠。峻如嵩華。浩如江河。若贊堯舜禹湯之命。爲誥爲典。爲謨爲訓。人皆許之而不吾試。論道之位。宜不陟哉。公諱及字至之。祕書監府君第四子。道與之粹。天付之德。聰明博達。剛毅正直。中行獨復。動靜可則。仁厚積爲大本。文藝成乎餘力。其立言必忠孝大倫。王伯大略。權正大義。古今大體。文中雖波騰雷動。起伏萬變。而殊流會歸。同致於道。故於賦遠游。頌嘯臺。見公放懷大觀。超邁流俗。於仙掌函谷二銘。延陵論。八陣圖記。見公識探神化。理合權道。於議郊祀配天之禮。呂誣盧奕之諡。見公闡明典訓。綜覈名實。若夫述聖道。揚儒風。則陳留郡文宣王廟碑。福州新學碑。美成功。旌善人。則張平原頌。李常侍姚尙書嚴庶子韋給事韋穎叔墓誌。鄭氏孝行記。李睢陽楊懷州碑。纂世德。貽後昆。則先祕監靈表。陳黃老之義。於是有對。

冊文。演繹氏之輿。於是有鏡智禪師碑。論文變損益。於是有李遐叔集序。稱物狀之美。而暢其情性。於是有琅邪谿述。其敘一事。紀一物。皆足以追蹤往烈。裁正狂簡。噫。天其以述作之柄。授夫子乎。不然。則吾黨安得遭遇乎斯文也。初。公視肅以友。肅仰公猶師。每申之話言。必先道德而後文學。且曰。後世雖有作者。六籍其不可及已。荀孟朴而少文。屈宋華而無根。有以取正。其賈生史遷班孟堅云爾。吾子可共與學。當視諸斯文。肅承其言。大發蒙惑。今則已矣。知我其誰哉。遂銜涕爲敘。俾來者有以觀夫子之志。若立身行道。終始出處。皆載易名之狀。故不備之此篇。

張中丞傳後敘

韓愈

元和二年四月十三日夜。愈與吳郡張籍閱家中舊書。得李翰所爲張巡傳。翰以文章自名。爲此傳頗詳密。然尙恨有闕者。不爲許遠立傳。又不載雷萬春事首尾。遠雖材若不及巡者。開門納巡。位本在巡上。授之柄而處其下。無所疑忌。竟與巡俱守死。成功名。城陷而虜。與巡死先後異耳。兩家子弟材智下。不能通知二父志。

以爲巡死而遠就虜。疑畏死而辭服於賊。遠誠畏死。何苦守尺寸之地。食其所愛之肉。以與賊抗而不降乎。當其圍守時。外無虵蚺蟻子之援。所欲忠者國與主耳。而賊語以國亡主滅。遠見救援不至。而賊來益衆。必以其言爲信。外無待而猶死守。人相食且盡。雖愚人亦能數日而知死處矣。遠之不畏死亦明矣。烏有城壞。其徒俱死。獨蒙愧恥求活。雖至愚者不忍爲。嗚呼。而爲遠之賢而爲之耶。說者又謂遠與巡分城而守。城之陷自遠所分始。以此詬遠。此又與兒童之見無異。人之將死。其臟腑必有先受其病者。引繩而絕之。其絕必有處。觀者見其然。從而尤之。其亦不達於理矣。小人之好議論。不樂成人之美如是哉。如巡遠之所成就。如此卓卓。猶不得免。其他則又何說。當二公之初守也。甯能知人之卒不救。棄城而逆遁。苟此不能守。雖避之他處何益。及其無救而且窮也。將其創殘餓羸之餘。雖欲去必不達。二公之賢。其講之精矣。守一城。捍天下。以千百就盡之卒。戰百萬日滋之師。蔽遮江淮。沮遏其勢。天下之不亡。其誰之功也。當是時。棄城而圖存者。不可一

二數。擅彊兵坐而觀者相環也。不迫議此。而責二公以死守。亦見其自比於逆亂。設淫辭而助之攻也。愈嘗從事於汴徐二府。屢道於兩府間。親祭於其所謂雙廟者。其老人往往說巡遠時事。云南霽雲之乞救於賀蘭也。賀蘭嫉巡遠之聲威功績出己上。不肯出師救。愛霽雲之勇且壯。不聽其語。彊留之。具食與樂。延霽雲坐。霽雲慷慨語曰。雲來時。睢陽之人。不食月餘日矣。雲雖欲獨食。義不忍。雖食。且不下咽。因拔所佩刀。斷一指。血淋漓。以示賀蘭。一座大驚。皆感激。爲雲泣下。雲知賀蘭終無爲雲出師意。卽馳去。將出城。抽矢射佛寺浮圖。矢著其上。輒半箭。曰。吾歸破賊。必滅賀蘭。此矢所以志也。愈貞元中過泗州。船上人猶指以相語。城陷。賊以刃脅降巡。巡不屈。卽牽去。將斬之。又降霽雲。雲未應。巡呼雲曰。南八。男兒死耳。不可爲不義屈。雲笑曰。欲將以有爲也。公有言。雲敢不死。卽不屈。張籍曰。有于嵩者。少依於巡。及巡起事。嵩常在圍中。籍大厯中於和州烏江縣見嵩。嵩時年六十餘矣。以巡初嘗得臨渙縣尉。好學無所不讀。籍時尙小。粗問巡遠事。不能細也。云巡

長七尺餘。鬚髯若神。嘗見嵩讀漢書。謂嵩曰。何爲久讀此。嵩曰。未熟也。巡曰。吾於書。讀不過三遍。終身不忘也。因誦嵩所讀書。盡卷不錯一字。嵩驚。以爲巡偶熟此卷。因亂抽他帙以試。無不盡然。嵩又取架上諸書。試以問巡。巡應口誦無疑。嵩從巡久。亦不見巡常讀書也。爲文章。操紙筆立書。未嘗起草。初守睢陽時。士卒僅萬人。城中居人戶亦且數萬。巡因一見問姓名。其後無不識者。巡怒。鬚髯輒張。及城陷。賊縛巡等數十人坐。且將戮。巡起旋。其衆見巡起。或起或泣。巡曰。汝勿怖。死。命也。衆泣不能仰視。巡就戮時。顏色不亂。陽陽如平常。遠寬厚長者。貌如其心。與巡同年生。月日後於巡。呼巡爲兄。死時年四十九。嵩貞元中死於亳宋間。或傳嵩有田在亳宋間。武人奪而有之。嵩將詣州訟理。爲所殺。嵩無子。張籍云。

唐大理評事楊君文集後序

柳宗元

贊曰。文之用。辭令褒貶導揚諷諭而已。雖其言鄙野。足以備於用。然而闕其文彩。固不足以竦動時聽。夸示後學。立言而朽。君子不由也。故作者抱其根源。而必由

是假道焉。作於聖故曰經。述於才故曰文。文有二道。辭令褒貶。本乎著述者也。導揚諷諭。本乎比興者也。著述者流。蓋出於書之謨訓。易之象繫。春秋之筆削。其要在於高壯廣厚。詞正而理備。謂宜藏於簡冊也。比興者流。蓋出乎虞夏之詠歌。殷周之雅頌。其要在於麗則清越。言暢意美。謂宜流於謠誦也。茲二者。考其旨義。乖離不合。故秉筆之士。恆偏勝獨得。而罕有兼者。故有能而專美。命之曰藝成。雖古文雅之盛世。不能並肩而生。唐興已來。稱是選而不作者。梓潼陳拾遺。其後燕文貞。以著述之餘。攻比興而莫能極。張曲江以比興之隙。窮著述而不克備。其餘各探一隅。相與背馳於道者。其去彌遠。文之難兼斯甚矣。若楊君者。少以篇什著聲於時。其炳燿尤異之辭。諷誦於文人。滿盈於江湖。達於京師。晚節徧悟文體。尤邃序述。學富識遠。才涌未已。其雄傑老成之風。與時增加。既獲是不數年而夭。其季年所作尤善。其爲鄂州新城頌。諸葛武侯傳論。錢送梓潼陳衆甫。汝南周愿。河東裴秦。武都何義府。泰山羊士諤。隴西李諫。凡六序。廬山禪居記。辭李常侍啓。遠遊